



Inatsisartut ilaasortaq  
Harald Bianco, Inuit Ataqaṭigiit

## **Nannut Tunumi piniagaanerisa killilersugaanerata pillugu apeqṭut nr. 128-mut akissut**

Inatsisartut suleriaasianni § 36, imm. 1 malillugu nannut Tunumi piniagaanerisa killilersugaanerannut tunngasumik apeqṭuteqaateqarputit. Apeqṭut Naalakkersuisoqarfimmit akineqartussanngortinneqarpoq.

Apeqṭut:

*Nannut Tunumi piniagaanerisa killilersugaanerata pillugu  
Naalakkersuisut qanoq eqqarsaatersuuteqarpat, tassami aatsaat  
taama siullermiilingilaq taamatut apeqṭuteqartoqarluni?*

*Akissut:*

Tunumi nannuttassiissutit piffissami 1993 – 2005-imi agguaqatigiissillugu pisaasut najoqqutaralugit aalajangersagaapput, tamannalu ilimagineqarpoq piujuaannartitsineq tunngavigalugu ingerlatsinerusoq, pisaasut ukiorpaalunni appariarsimannginerat nalilerneratigut. Pisassiissutit ullumikkut taamatut aalajangersagaavoq mianersornissamik tunngavissat tunngavigalugit, tamatumunnga peqṭutaavoq peqassutsip annertussusaa katitigaaneralu ilisimaneqannginnera. Taamaasilluni piniartut pisanik nalunaarutiginnittarnerat ullumikkut pisassiissutit aalajangersarneqartarneranut tunngaviliisooqataareerpoq.

Biologit siunnersuinerannut tunngaviliisuusussamik nannut amerlassusaasa kisinneqarnissaat tungaanut, Tunumi nannuttassanik pisassiisarnerup atorunnaarsinneqarnissaa Naalakkersuisunit illersorneqarsinnaanngitsutut isumaqarfigineqarpoq. Nannunniarmermi pisassiisarnerup atorunnaarsinnissaa attanneqarsinnaanngilaq, peqassutsip angissusaata ilisimaneqannginnera tunngavilersuutigalugu.

Taaneqassaarli Namminersorlutik Oqartussaniit aqutsinermi oqartussaasutut aalajangiiniarmermi piniartut ilisimasaat tutsuiginartumik ataavartumillu eqqarsaatigineqartarmata.

Nannut takussaanerulernerat pissuteqarunarpaq sikup siaruarsimanerata minnerulersimaneranik, kiisalu sikup saannerulersimaneranik.

12. november 2009  
J.nr. 01.28.09

Dok.nr.

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@gh.gl

Nanoq ukiuni kingullerni nunani issittuni assiliartatut (ikon-itut) inissisimalersimavoq aamma nunarsuarmi silaannaap kiatsikkiartorneranut ilisarnaatitut inuit ilaannit isigineqarluni. Matumuunalu nanoq nunat tamat akornanni annertuumik alaatsinaaffigineqarpoq. Nunani nanoqarfiusuni tallimaasuni Kalaallit Nunaat Canadalu tassatuaapput nannunniarnermik ingerlataqarfiusut. Nannuttassiisarnerup atorunnaarsinneqaratarsinnaaneranut kingunerisinnaavaa nunat tamat akornanniit annertuumik isornartorsiorneqarneq, ilaatigullu takornariaqartitsinermi inuutissarsiuteqarnermut ilungersunartumik kinguneqarsinnaasumik.

Pinngortitaleriffiup 2012-imi Tunumi nannunik kisitsisoqarnissaanik sulissutigineqarpoq. 2010-mi kisitsinissamut pilersaarutaagaluaq kinguartinneqarpoq Baffinnip qeqertaani 2010-mi timmisartukkut kisitsinermiit misilittakkat pissarsiarineqarnissaata tungaanut. Tamatuma kingorna periutsit ineriartortinneqartut atorlugit Tunumi piujuaannartitsineq tunngavigalugu piniarnerup annertussusissaa aalangersarneqarsinnaassalluni.

Nannumit tunisassiat avammut tunineqarsinnaanerisa inerteqqutip atorunnaarsinneqarnissaanut ilungersuuteqarnermi, pingaaruteqarpoq piniarneq piujuaannartitsineq tunngavigalugu ingerlanneqarnissaa aamma nakkutigineqartoq Kalaallit Nunaata uppersarsinnaassagaa. Tamanna taamaallaat pisinnaavoq akuersisutit aamma pisassiissutit atuutsinnerisigut.

Tunumi nannunik kisitsisoqareersimalerpat aqutsinermi oqartussaasut aalangiinarnermi tamanna najoqqutarilissavaat, piniartunit sumiiffinni ilisimasaat peqatigitilugit, pisassiissutit piujuaannartitsinissaq tunngavigalugu aalajangiisoqarnissaanut. Nannunniarnerli pisassiiviujaannartussaassaaq siunissami aamma. Taamatut aqutseriaatsip qulakkiissavaa piujuaannartitsinissaq tunngavigalugu iluaquteqarneq.

Neriuppunga apeqqtinnut tamanna akissutaasoq.

Inussiarnersumik inuulluaqqusillunga

Ane Hansen  
Aalisarnermut, Piniarnermut Nunalerinermullu Naalakkersuisoq